

## Edizione diplomatico-interpretativa

I.

Asses plus ke destre ames me suj penes dauoir chier. tous mj suj

entroblies. tant suj en autruj dangier. pour vous mestuet tout lais

sier. dame a cuj suj tous dones. cuer pensee (et) volentes. ai mis en v(ost)re

prison. sosuiegne vous de moj belle ja ne pens jou sa vous non.

Assés plus ke d'estre amés

me sui penés d'avoir chier;

tous mi sui entroblies,

tant sui en autrui dangier.

Pour vous m'estuet tout laisser,

dame, a cui sui tous donés:

cuer, pensee, et volentés

ai mis en vostre prison.

Sosviegne vous de moi, belle;

ja ne pens jou s'a vous non.

II.

**Da**

me par moj suj greues. quant iou en vous ma mort quier. en regardant

vos beautes dont naissent mj desirier. kainc ne vi(n)c mes iex proier vos

gens cors destre eskardes. mais estre en doit plus blames. vostre cuer ke

ie ne die. quant plus sa merchj desir. plus est cruex en vous moj.

Dame, par moi sui grevés,

quant jou en vous ma mort quier

en regardant vos beautés,

dont naissent mi desirier,

k'ainc ne vinc mes iex proier

vos gens cors d'estre eskardés.

Mais estre en doit plus blamés

vostre cuer ke je ne die;

quant plus sa merchi desir,

plus est cruex en vous moi.

III.

Li

gries est dame entasmes par laige souvent touchier. mais ie voj vo  
cruautes de mes larmes enforchier. (et) vostre amor eslongier. fait de moj  
humilites. sen suj si desesperes ke jou natenc fors la mort. D'amor t(ro)p  
lontaigne natenc nul confort.

Li griés est, dame, entasmés  
par l'aige souvent touchier;  
mais je voi vo cruautés  
de mes larmes enforchier  
et vostre amor eslongier  
fait de moi humilités,  
s'en suj si desesperés  
ke jou n'atenc fors la mort.  
D'amor trop lontaigne  
n'atenc nul confort.

IV.

Cil ki seuent atous les nouvelles

amors acointier. ne sentient pas tes grietes. com iou par mon desirier. ainc  
mosa aprochier traisons ne fausetes. mais doucors (et) loautes. si poissans ke iou bien  
saj. Quant ces amors me fauront ke iai ia puis nameraj.

Cil ki sevent a tous les  
nouvelles amors acointier  
ne sentient pas tes grietés  
com jou par mon desirier;  
ainc m'osa aprochier  
traisons ne fausetés,  
mais douçors et loaautés  
si poissans ke jou bien sai,  
quant ces amors me fauront  
ke j'ai, ja puis n'amerai.

V.

De ma dame suj

doutes mais certes neust mestier. ne suj pas ali remes. pour som pris des aua(n)  
chier. dons ki puist honour blechier. nert ia par moj demandes. samor mo  
troit cest asses. pour garir amj loial. Sele me daignoît amer je nauroie mal.

De ma dame sui doutés,  
mais, certes, n'eüst mestier;  
ne sui pas a li remés  
pour som pris desavanchier;  
dons ki puist honour blechier  
n'ert ja par moi demandés.  
S'amor m'otroit, c'est assés  
pour garir ami loial;  
s'ele me daignoît amer,  
je n'avroie mal.

- letto 397 volte

**Source URL:** <https://letteraturaeuropea.let.uniroma1.it/?q=laboratorio/edizione-diplomatico-interpretativa-797>